

山西府縣志輯

中國地方志集成

乾隆高平縣志

同治高平縣志

光緒續高平縣志

中國地方志集成

山西府縣志輯 ③⑥

乾隆高平縣志

同治高平縣志

光緒續高平縣志

鳳凰出版社 ● 上海書店 ● 巴蜀書社

高平縣志序

傅君令高平之三年以脩志告曰志之闕也百餘年於茲矣縣有老儒司君昌齡者多讀書諳故事及其無恙文獻其有徵乃聘戴

孝廉萼浦輯之為二十二卷明年春脫稿寄予而問序焉讀之詳簡有法可以示後矣憶歲戊子予自楚臬移晉踰太行睇天井道出高平考所為羊頭之山

長平之壘慨然念斯民命於兩間嘉徵沴却惟其所值為可感也予承乏此邦者數年東過井陘北度勾注出重邊抵大青山之麓古所謂險塞之地鏖躡之

場者今皆畛畷聚落蕃孽作息雞虵不驚矣

聖人在上萬物康阜人民壽考豈一世之澤與晉俗勤儉而上鄙之風尤醇官斯土者得以從容考鏡往蹟坐

理殷廢歌勞勤苦豈可不
 知其所以自與無為繭絲而
 為保障使神禾連穎而丹
 水化為庶泉此則予與良
 有司所當孜孜共勉而茲
 書益可信其不朽矣是為

序

乾隆三十九年甲午二月

十日

賜進士出身

誥授通奉大夫山西布政使司

布政使司

日講起居注官翰林院侍讀
 學士大興朱珪書於晉陽
 藩署之知足齋



粵稽諸古郡國之志太史掌之而周禮則有小行人之職分別所至之國之風土人情以反命於王典至鉅也今之邑即古之國今之邑志即古之國史觀察者是法戒者亦在是操觚豈

高平縣志

序

五

易言哉高平為古涇氏隸澤州郡在禹貢為畿輔之邑漢魏齊隋唐宋代有改置前明仍名高平國朝因之其志自嘉靖乙酉迄順治十五年脩輯再乙始則十五卷繼則刪為十卷獨此

百二十餘年若文若獻缺焉未詳歲癸巳邑令儀傳君延請名宿以董其事不數月厥工告竣閱叙於余之兼令鳳臺與高平接壤其於古涇氏之風土人情畧窺大概遂不敢以不文辭

高平縣志

序

六

今矣升降者道也淳樸者俗也有善以以率於上斯有仁風以被於下涇雖蕞爾邑而廢俱興要自有綱舉目張之威顧體裁弗協矣予弗分何以信今而傳後茲者墨野因得冠諸首稊志

藝文列其終二十二卷脩短合
度一披覽而得通典通攷通志
之遺矣非第流覽山川僅誇金
峰之月丹水之波已耳異日者
通省志採而存之一統志擇而
載之其於古法氏之風土人情

高平縣志

序

七


庶幾土報

天子以覲久道化成之效也余且拭
目談之

皆

大清乾隆三十九年歲次甲午仲
春上院冀寧觀察使者姜湖

繆其志撰



高平縣志

序

八

高平縣志序

上黨地托天下之脊名冢
古或曰高都也或曰長平
也或曰注氏或又曰丹川
縣之名高平蓋自後魏永
安始也歲庚寅余奉

高平縣志

序

九

命來守是邦間嘗攷其山川稽
其圖籍披覽沿革之際喟
然省久之曰異哉所聞高
平故有志志凡四備純駁
略有剽今之所稱舊志者
順治十五年輯也嗣是以

來日新月異踵事增華目

染耳濡浸尋已久言人人
殊書缺有間矣百年之內
風土民情之故類無所表
述邑之人士俯仰其間鮮
考據而折衷之誰官斯土

高平縣志

序

十

者而竟沿習至此傳令治
邑之三年慨然起曰是余
之責也夫是余之責也夫
今

國家撫馭中外政教覃敷車
書一統制作維新余為是

邑有司而弗能網羅散失
勒成一書恐踰時越久日
就湮沒將何以為文獻徵
也爰是遠聘名儒廣採公
論列所次新舊事弗敢闕
為之分門別類博極羣書
討論得失他日將存為國
史補癸巳秋創其憲甲午
夏告竣稿上訂可展卷之
暇良為稱善倘所謂通一
邑之掌故信今傳後者其
在斯乎其在斯乎余按高

平昔年用武地也烽火干
戈紛爭旁午不勝屈指數
白起廉頗諸將其故迹尚
有存者今邑數世不見兵
休養生息戶口滋繁人民
殷富禮讓相先急公市義
久矣號稱易治矣昌黎云
風俗與化移易惡在今不
異於古所云耶又聞之澤
潞青紫多半產在高平斯
言之傳由來已漸採學校
廣教化崇尚風雅振起人

文非伊異人任也是在為
良有司者

省

乾隆三十九年歲在甲午

初夏

特授朝議大夫知澤州府事章

高平縣志

序

十三

水劉開燾題於觀我堂



序

國有信史寓褒貶於勸懲而是
非以定邑有實錄示激揚於旌
別而泐匾以彰雖志為小史有
褒善貶有勸無懲而其旌別之
微權隱行其貶與懲者實與史

高平縣志

序

十四

同歸一致焉志也而通乎史矣
甲午夏予以寄嵐州奉

憲委署高邑篆交代甫畢前任
傅公以所編葺新志命予一言
以為序予雖不著文又未敢以
不敏辭因三復而詳繹焉今夫

山川阨塞邑之屏蔽也城池學校邑之觀瞻也敦節孝而興觀感尚文學而知禮義邑之觀摩矜式也至於嘉言懿行代有傳人隱逸賢才接踵而出莫不條分縷晰竟委窮源舊志修於順

高平縣志

序

十五

治戊戌迄今百有餘年得傅公之網羅散失遠紹旁搜缺者補之簡者續之詳而有體典而能該殆所謂信今傳後顯示其褒與勸而微蘊其貶與懲以成一邑之掌故者意在斯乎予視篆

以來志已告竣不獲分任微勤今適聿觀厥成予亦與有榮施不可無一言以爲泣邑之士民慶且以誌

聖

天子重熙累洽久道化成是以風土之龐厚川巖之靈秀與才德

高平縣志

序

十六

節義之方興未艾也後之作者亦將有藉於斯文乾隆三十九年歲次甲午孟冬穀旦知岢嵐州署高平縣事粵西陳聖瑞



序

注邑舊志自前令范大於順
治戊戌歲修輯之後迄今
百有餘年矣其間因革
損益應事增刪其頗多幸
卯春余來知縣事翻閱舊

志以思續加釐定願下車
伊始庶務紛繁未遑並舉
且事關著述更未敢以淺
陋之學妄加筆削是以
姑提其後以視事三載案
牘之餘甫將社學祠畧倉

厥獄舍等事次第修舉
有端緒適據紳士以邑志
呈請續修竊惟

國家疆域之廣超越曠古凡
隸版圖胥詳於方畧表志
諸書高平屬晉東南為

右輔之巖邑志乘雖稽實
所未安爰稟請

各憲重謀編輯既蒙批允
聞函徐孝廉戴君萼浦來
遊三晉延致邑中托以考
訂自疆域山水營建賦役

以及良吏名紳忠孝節義
諸條相與折衷商確自秋
徂冬勒有成書余思周禮
職方氏小史掌邦國志大
史掌四方志若輿地圖寰
宇記一統志等書體例雖

殊徵亭政言胥昭史法在
國有史在邑有志制度詳
焉教戒寓焉文物聲名
於斯著焉今

天子式廓玉基覃敷文教纂
修四庫金書以昭大脩官自

輜軒採聽是書毋尔有裨
萬一歟或進而言曰斯志之
成始有時數百餘年前之
范公公之鄉人也中間名
賢踵至豈無有若斯役者
類皆因循不果今復得公

續成是舉則是公之一鄉
後先相望大有造於斯邑
矣詎非時數使然耶余應
之曰此紳士之志宰斯出
者亦祇據情轉達謹奉
上憲之命以董其成耳其

他非所敢居也是為序
 乾隆三十九年歲在甲午
 孟夏之吉知縣事三韓
 傅德宜令儀氏書



高平縣志

序

三

高平縣志 卷首

舊志序

萬歷四十三年 李維楨

昔孔子論鄭國之為命曰裨諝草創之世叔討論之行人子羽修飾之東里子產潤色之辭命何國蔑有孔子奚取焉人情嫌於揚已則避而不敢首事嫌於蓋人則徇而不敢更張此四君子者當先而草創不虞人之議其事也已成而討論修飾潤色不虞人之耻其疎與陋也要期於其濟國事而已孔子之善鄭意蓋如此今之邑古之國也而廣大蕃庶容有過之今之邑志古之國史也彰往察來觀民體物是非褒貶法戒取舍咸是焉資其視為命或端發

高平縣志

舊志序

一

一事或事在一時所開理道廣遠殆有過之作者述者寧渠易辦乎余讀高平志嘉其與鄭命異體而一致焉高平故有志迄嘉靖三十七年到於今五十七年矣而令劉文英續之文英行其意邑學士大夫修其辭分門別類以故志所定為九則不易天文分野地方千里不專一邑則不載疆域形勝山川古蹟丘墓故志所遺抑昔存而今廢則必書賦有上供有軍興戶口庸調權稅有登耗有贏縮有利弊有四革國計民生務之重者也則必詳名宦鄉賢故所失收抑在後進者非與論僉諧則不登稅文非雅馴及有裨風教則不錄生有封章歿有論祭王言君命非可他

此則特識之美哉志也具三善焉無所矜以炫長故辭贍而約無所隱以逃名故事脩而覈無所謂以行媚故義正而嚴可以言述亦可以言作可以言志亦可以言史稽古有徵垂後有式藉使鄭四賢操簡載筆其體裁華藻應若是爾余與文英同事二年不省何狀然必聞其政今見其志復若見其人詢事考言言可底績而志成適與君三年報政期會故為叙論大歸且以風示諸長吏云

萬歷四十三年 馮養志

我國家環海為區星分郡邑其載在一統志者燦然臚列矣維是郡邑亦各自為紀焉高平即古泫氏為三晉屬邑

高平縣志

舊志序

二

邑舊有志乃大司空郭公所纂者公邑人也蒐羅核寔枉華鴻裁鏡往詔來足垂永世自嘉靖辛酉迄今且五十載矣道有升降俗有淳漓察有禳祥政有治忽山川扼塞如故也而建置之常民聚物叢如故也而則壤靡定靈秀鬱結聿鍾于人懿行芳規紛顯或異是安可以無述哉四紀于茲猶昭耳目失今不述久之益湮後有作者誰其徵乎邑父母昌平劉公起家進士來尹茲土惠政仁風舒虹爍電勵精未幾而百廢俱興矣稽古憲文考治問俗爰覽前志而近事何寥寥也乃穆然咨嗟曰斯邑也豈其不足于文獻哉抑亦長吏者之責也于是起而重修之焉廣諏咨

嚴綜核雍蕪穢補缺遺巨奸細靡不條列炳若指掌矣昔者杜預發引凡例乞垂舊章張衡合正三史願就新載乃若斯志庶其兼之第摭拾梗概屬之謀野折衷損益多公所自裁耳視先正之所纂者則近事有徵而益加備焉庶幾哉晉之乘也志成以觀不佞不佞卒業嘆曰茲爾泮民微惠我公愷悌慈祥保障同夫尹鐸彈治宏肆良史不愧董狐其治邑者凡幾哉矣上下咸孚遐邇不慮循良之譽騰踔三晉行且班聯瑣闥而簪華螭頭矣繼公為政者舍公其誰師乎考鏡徽猷斯志固在也不佞浮沉南署不獲受成以與殺青之事因序其首

高平縣志

舊志序

三

順治十五年 李棠穀

邑有志猶國有史采風貢俗彰往鏡來于是焉資高平舊志四卷明嘉靖間修于郭司空一泉先生簡古質定雅有先進遺風議者譏其未脩洎萬歷間重修于邑令昌平劉公佐以孝廉唐子輩增為十五卷分門析類郁乎有章矣又未免搜羅過雜體裁未安識者病之繼茲俗儒以私臆續貂遂至割裂篇章顛翻人物魯魚亥豕雜見行間蓋四十年來而書幾不堪寓目矣三韓范老父母治泮之五載道化翔洽誦連于比屋頃奉上檄重修邑志乃矢慎矢公周諮周度博引諸儒之論力排盈庭之訟約十五卷為

十卷始自輿地終于藝文披文考寔可信可徵焯然稱不朽之業余不佞奉 召佐樞道出里門公以裁訂見屬余畢覽而善之曰美哉簡而該微而顯典而有章質而不俚洵一詞不能贊矣星野沿革山川則統于輿地祠祀則併于建置非所謂簡而該者乎凡言以人傳者雖連篇必載如和氏之可珍若人以言傳者卽片幅僅存亦一肯之不棄非所謂微而顯者乎攷經據史不傳疑似之文書事書名畧依史氏之筆則典而有章矣若勝地名山偶載遊人之蹟方言市語不襲雜俎之餘則又所稱質而不俚者也四善備矣至于節孝大端必取其協例服衆通詳報可者

高平縣志

舊志序

四

乃入余謬建是議以折聚訟公虛懷嘉納而持之甚力濡觴盡點其足脩勸懲而關風教者豈淺鮮哉管明康海纂武功志孫承宗纂高陽志徒以文章之名重于天下如公之卓識宏裁言爲世法徵文考獻確乎可憑且當與班馬平分一席二公且瞠乎其後矣

順治十五年 張 汧

粵稽禹貢分冀州之野者于春秋俱稱沃壤吾邑高都屬焉迨秦漢以後俗漸敝益漸侈然而伊祁遺意猶幸幾我弗衰以故職方氏蒐輯風書渤成國史于西北爲巨隄共山陵泉源隱隱隆隆周衛環峙結受大行之甲秀而人文

現杰者富壽者乃遲遲遭于他邑予遐攷并季揆合今茲覺仕版日擴而人重守噐下迄比戶可封亦家敦禮讓故士謹民愿急公市義較曩昔似遠過者于三晉爲僻隅于澤潞又爲化境矣予雖未矚上世之熙淑時從耆長傳聞班班可紀耳茲遵賢侯潘陽范公躬膺司牧之寄以古循良自期拔大本薤喻擊強悍也置水喻清也抱兒孫立階下喻慈也三嫩畢具朱邑卓茂之踪洵堪并駕詎獨遜能于漢陽長耶遂慨然于褒貞斥僞尊崇簪輿凡邑中芳區勝址名宦高賢清人節女或有淹沒弗彰者咸得播揚之特達之于是有重修邑志之舉夫邑有志猶國有史也善

高平縣志

舊志序

五

善之公協乎輿論流布千載如同一轍安在吾土龐厚之風川巖之氣與夫殊才絕德懿節遺文不均賴以不泯哉我侯之功偉矣懋矣予薄宦天中思臥棠蔭而不得憶邑中之疆寓林巒每依依于食息間今志已告竣徵序并端試舉疇昔傳聞以及它鄉遙睇者悉從紙上見之猗歎卓哉至于闡發潛搜羅遺逸善善公而輿情協是又在載筆者

順治十五年 田逢吉

古今不朽之業必非常之人始克任之非徒才識之難亦必其區畫之精詳衡量之曲當足以厭一時之望而協百

世之平而後其制作所垂爲能挾以俱承予待罪史館久于鄉井事耳日益以濶有告予者曰吾邑有大制作予知之乎予曰不知也客曰吾泣之志因循廢缺凡數十年而茲始克成焉非鉅舉乎予狂踴而起曰有是哉問孰成之曰邑侯范公成之問公何以成之曰公以邑之大典諮于衆得賢紳士若而人開局讎校取舊志之蕪冗訛謬者重訂之而增輯其迄今之鉅要放逸者其大是非議論必礪蕭矢告與衆共之而又獨手裁之隻字進退不少假自始事以迄告竣凡再月公之心力畢殫而費亦不貲書成而舉邑平之咸以爲信史予嘆曰嘻若子言予固知非范公

高平縣志

舊志序

六

不克任此也雖然此何足盡公公以天下才儂而小試百里蒞吾泣五載獄衰訟息疵無不釐而廢無不舉其爲政務寬大簡易與殘黎休息而豪猾自戢境以內慈母恃之卽莫不神君肅之至于徵發期會事出尋常而勢處盤錯者在他境多擾攘失措或遂重困不可止公偃蹇談笑從十指間剗劑之咸得其要領呌蹄不煩而咄嗟已辦所留餘于民無筭而康衢含鼓併不知誰之爲之蓋其肩荷與所造于吾法其艱且鉅有十百于此者誌其一端耳予故曰此未足盡公也然古今來名著作者無慮數十家其凡瑣者不暇論至馳騁閎肆如馬遷淹雅博綜若孟堅蔚宗

後世指摘猶不免焉豈非持論之難而是非進退有未盡合于道者乎誌雖一邑其責豈有異焉而公之區畫詳衡量當輕重在手人人各得其意不再月而數十載之曠典已舉令起而若鈞軸之地爲六字操宰割爲秘府任折衷其于持平舉要亦復奚有且是舉之因循廢闕凡若而年前之人幾踟躕却顧而卒于公手成之不朽之業與非常之人確如有待豈偶然乎予故以爲非范公不克任此也既以釋告者去而會公以付劄有口遣使來徵一言予匏繫職守不獲簪筆從公後又未及得是書讀之竟其曲折獨就所素知公與近所得于輿詞者爲公述而識焉昔歐

高平縣志

舊志序

七

陽文忠人品事業皆千古僅有而其所專脩五代史獨醇雅有法爲後世所謂服法雖叢剛紀載之在天下與在一邑雖微有間然以公之人而爲是書其于不朽宜必有合爲我告范公曰天下事行屬公皆當如此誌矣

順治十五年 范繩祖

古天子以及有國之君各有史其于舉必書雖甚諱不得而奪焉所以昭垂懲勸至嚴重也後世方域紀載之書有美而無惡其于職亦漸以替矣然齊魯曹鄭今皆列爲郡縣邑未嘗不得史而自山川風土人文賦籍以述名紳良吏忠孝節烈之屬一登採陟百世榮焉故隱其意于懲而

顯其文于勸亦猶行古之道也當斯任者其敢忽乎哉高平之有志從來已久明嘉靖萬歷中司空一泉郭公暨前令呂平劉公曾兩脩之嗣是因循廢闕自天啟迄今垂數十載予初蒞茲慨然欲身任之而事關特舉恐力爾弗克勝今歲十月奉通行修輯之憲檄乃卜日集議開局于邑之西館延禮名紳賢士蒐討舊文網羅放失訛者訂之蕪者刪之逸者增之謬者覈之凡舊志十五卷括爲十卷緒不繁而義咸脩焉其或是非進退開論定者必焚香矢衆與紳衿邑老博諮而確議之隻字編摩惟公惟慈于是新舊典故燦然星列無湮沒淆駁之患凡再閱月而告成事

高平縣志

舊志序

八

諸君子以予定董是役常綴一言予惟致治之道先教後政而萬世之書與一時之言其功又不啻倍蓰之于書又教之公而鉅者也茲邑常兵燹燔蕩之後一旦舉數十年之盛典重新之使遺文有所垂而鉛貞無所憚于以厲世摩鈍教就有重乎是憲令之大有造于茲邑也而予雖不敏亦得藉手竭蹶畢數載之志所未逮邑之史有成令之責于是乎釋也況古郡國之志掌于太史周禮小行人之職所至之國必別其風俗之書爲五以反命于王所以博綜遐邇而周天下之故也是書成他時採風之使或過而問焉其以資彤管之求而佐秘閣所未脩者安知不在于

是耶昔劉知幾論史有三長曰才學識而域中稱三無私惟史居一夫才學識豈予所敢言而是非進退上則憲台之權次諸君子校讐之力予又何敢獨擅予惟矢其惟公惟慈之心以恪修厥職雖一邑之記載不敢不以古史之意行之庶無隕越以貽大典歟也其新舊增損卷目詳後紀例不具列

順治十五年 郭元佐

嘗覽一統志即可稱外史曷爲邑亦有之曰今之邑古之國也邑之乘國之史法爲文獻邦久矣其志自弘嘉以還修之者再三作與述幾無遺力煌煌乎鉅典哉但改運而

高平縣志

舊志序

九

後諸凡闕畧不勝指非起而更新之共何以爲後世徵邑侯范老大人勵治五稔百廢俱興復留神掌故慨然以修纂爲己任猶爾虛公採訪有謀野心延薦紳鄉先生暨諸庠士佐亦得以供厥役未匝月而告竣將付剞劂氏又屬佐以文簡求窮不揣爲續貂之詞蓋時當鼎革其間風景多遷則聲名文物其乘此一變乎嘗考革之九五曰大人虎變而孔子即以文炳侈揚之所爲以革之去故而兼鼎之取新天下文章莫大乎是今花封百里亦得分虎變之餘輝願可憚于修明與然他不具論特所難者在忠孝廉節開千百年之風教而勸懲寓之非公則弗信非信則弗